

von Donaw, den andern Nickel von Walfelzstorff, den dritten Jhan von Bergaw, den virden Claus von Utenhoffen. Uff dy vire es Wilhelm gekort hat, was di bekennen, das sy sy geschiden habin, das<sup>d)</sup> er nicht gehalten hette, das walde er om noch halden. Ouch ist geteidigit umbe 60 guldin judin schadens und umbe 50 gulden zerunge und nachreyszunge, das om Wilhelm von Tettaw sulle geben vor dy czwn sachen 50 gulden und sulle on der benemen keyn leszir judin. Ouch hat Lynhard zum dritten male zu Wilhelm gesaczt, das om syn vater seliger 300 gulden schuldig sy bliben, das er wol erwysen wolle, wy recht ist. Dar uff hat Wilhelm geantwort, es sie eyne berichte sache und czihe sich des ouch an dy egnanten vir teydigislute, dy obin geschr(ieben) stehen. Hat Lynhart geantwort, konne erz mit on vorkomen, alz recht ist, so wolle er on der schult ledig laszen.

a) alles durchgestrichen b) folgt durchgestrichen mupt c) über die Zeile geschrieben b) folgt durchgestrichen wo

#### 400.

1426 April 27

##### ***Conrad Nythard verpfündet sein Haus.***

fol. 62v <sup>a)</sup>Cunrad Nythard hat Jost Payszinkeze syn husz zu willigem pfande yn gesaczt vor 10 gulden, dy er om uff unserm rathusze uzgewunnen hat uff eyn czinsz, das er sich der 10 gulden und zinsze vor ydirmenlichen dar an erholen sal. Actum<sup>b)</sup> sabbato ante cantate coram rectore consulum Gerlach et sociorum suorum anno etc. XXVI<sup>o</sup> etc.

a) alles durchgestrichen b) folgt durchgestrichen feria

#### 401.

1426 April 27

##### ***Tuschel verpfündet sein Haus.***

fol. 63r Tuschzel hat syn husz zu pfande yn gesaczt Hansz Capellen vor 10 rynischze gulden, dar vor syn erbe uff dem rathusze pfandis stehit, das er sich der 10 gulden vor ydirmenlichen daran erholen sal. Actum sabbato ante cantate anno etc. XXVI<sup>o</sup> coram rectore consulum Gerlach et sociorum suorum.